



YEAR 12 VOSA VAKAVITI

WORKSHEET 3 - NA VOSA VEIGANITI

NA VOSA NI VOLA I TUKUTUKU

Wilika na i tukutuku qai sauma na taro vakarautaki e na nomu i vola.

Kauwai Nei Namosi E na Lawa Vakaturi Vou

Na jemeni vou ni Bose ni Yasana o Namosi o Samisoni Tuilawaki, e vakaraitaka kivei iratou na komiti ni palimedi ka vakatokai na 'Parliamentary Standing Committee on Justice, Law and Human Rights', na kauwai e tiko e na tabana e 30 kei na 31 ni lawa vakaturi na 'Adoption Bill'.

E tukuna o Tuilawaki ni tokona o Namosi na lawa vakaturi ia, na kauwai e tiko ena tabana e 30 kei na 31.

Na lawa vakaturi vou e na veisautaka na i Vola ni Kawa Bula (VKB).

E na gauna ga sa oti kina na veika vakaivola me baleta na gone susu, na nona dodonu e sa na tautauvata kei ira na luvei koya e sa laki susu kina.

E sa na volai tale ga e na VKB ka sa na vakayagataka na yaca ni nona matavuvale vou.

Na leqa e tiko, e tukuna o Tuilawaki, e na qai basika e na dua ga na gauna ka dodonu me sa na namaki tiko.

E dua na kena i vakaraitaki, e tukuna, ni kevaka mo sa susuga e dua na gone ka sega ni iTaukei, na gone susu oqo e sa na tiko vua na dodonu ni taukei ni qele ka vakatale ga kina na i tutu vakavanua.

Vola o Bolatiki M

Vurevure ni Tukutuku: *Fiji Sun*, Veverueli, 2019

- (i) Vola e **dua** na i tautau ni vosa. **(1 na maka)**
- (ii) Vakamacalataka e **rua** na i vakatakilakila vakavosa. **(2 na maka)**
- (iii) Vakamacalataka e **rua** na i vakatakilakila tawa vakavosa e dau vakayagataki e na vosa veiganiti qo. **(2 na maka)**